

**L Ö G**  
**um tunnusmiði.**

33

23. apríl

FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Ríkisstjórninni er heimilt að láta reisa og starfrækja tvær tunnuverksmiðjur, aðra á Akureyri, hina á Siglufirði, þegar rannsókn hefur leitt í ljós, að tunnusmiði hér á landi er samkeppnisfær við erlenda tunnuframleiðslu bæði hvað verð og gæði snertir.

2. gr.

Ríkisstjórninni er heimilt að kaupa eða taka á leigu tunnuverksmiðjur á Akureyri og Siglufirði og starfrækja þær.

3. gr.

Til þess að standast kostnað af framkvæmdum samkvæmt lögum þessum heimilast ríkisstjórninni að taka að láni allt að 3 millj. króna.

4. gr.

Tunnur þær, er tunnuverksmiðjur ríkisins framleiða, skulu seldar síldarsaltendum

5. gr.

Atvinnumálaráðherra skipar þriggja manna stjórn fyrir verksmiðjurnar.

6. gr.

Nánari ákvæði um framkvæmd laga þessara skulu, ef þurfa þykir, sett með reglugerð.

7. gr.

Lög þessi öðlast þegar gildi.

*Gjört í Reykjavík, 23. apríl 1946.*

**Sveinn Björnsson.**  
(L. S.)

Áki Jakobsson.